



დამტკიცებულია შპს თაობის

დირექტორის მიერ

05.09.2025 წ. №01-04/21 ბრძანებით

შპს თაობა
კლუბი “The Globe Society”
დებულება

ბათუმი, 2025

კლუბი The Globe Society დებულება

მუხლი 1. შესავალი

სასკოლო კლუბი “The Globe Society” წარმოადგენს ზოგადსაგანმანათლებლო დაწესებულება შპს „თაობას“ (შემდგომში სკოლა) მოსწავლეთა განვითარების პლატფორმის (მოსწავლეთა თვითმმართველობითი ორგანო), სტრუქტურულ ერთეულს, რომლის ფუნქციონირება მოსწავლეთა მზაობის, საჭიროებების, ინტერესების, სასკოლო საზოგადოების/თემის მოლოდინების, სკოლის რესურსების და გამოწვევების გათვალისწინებით, ემსახურება სწავლა-სწავლების ხარისხის ამაღლებას და მოსწავლეთა ფუნქციური უნარების განვითარებას. თანამონაწილეობისა და თანასწორობის პრინციპზე დაფუძნებული სასკოლო ცხოვრების ორგანიზებას.

კლუბი “The Globe Society”-ს საქმიანობა განიხილება მნიშვნელოვან საშუალებად:

- ❖ მოსწავლეთა შინაგანი ძალების გასააქტიურებლად - აზრიანი, ღირებული საინტერესო შინაარსის და მრავალფეროვანი აქტივობების შეთავაზებით, რომელიც მოსწავლეების ცნობისმოყვარეობას, შემეცნებით მოთხოვნილებას პასუხობს, რაც მოსწავლეს განაწყობს სათანადო ძალების ზრდა-განვითარებისთვის საჭირო მიზანიმიმართული ქცევების განსახორციელებლად.
- ❖ მოსწავლეებში ფუნქციური ცოდნის შესაძენად - აქტუალური და რელევანტური შინაარსის, პრაქტიკული და კრეატიული აქტივობების შეთავაზებით, რომელიც მოსწავლეებს მისცემს შესაძლებლობას ცნებების შინაარსი დღეს არსებულ ცხოვრებასთან დააკავშირონ, რაც ცოდნის მრავალფეროვან საკითხებში გადატანისა და ფუნქციურად გამოყენების საშუალებას იძლევა.
- ❖ სასკოლო კულტურის განსავითარებლად/მოსწავლეთა ერთიან გუნდად ჩამოსაყალიბებლად - მოსწავლეთა ინტერესების, ღირებულებების, საჭიროებების შესწავლით და შესაბამისი ამოცანების, გამოწვევების გუნდურად გადაჭრით.

მუხლი 2. მიზანი

სასკოლო კლუბი “The Globe Society”-ს მიზანია ხელი შეუწყოს ინგლისურ ენაში ცოდნის გაღრმავებას/ცნებების შინაარსის გააზრებას და მოსწავლეებში კომუნიკაციის, თანამშრომლობის, მოქალაქეობის, ნებელობის, შემოქმედებითი და კრიტიკული აზროვნების უნარების გააქტიურებას.

მუხლი 3. ამოცანები

მიზნის მისაღწევად სასკოლო კლუბი “The Globe Society”-ს ამოცანებია:

- ❖ აქტუალური, რელევანტური, ღირებული შინაარსის/კონტენტების უზრუნველყოფა;
- ❖ მრავალფეროვანი, ინტერაქტიური პრაქტიკული და კრეატიული აქტივობების უზრუნველყოფა;
- ❖ თავისუფალი, კეთილგანწყობილი დისკრიმინაციისაგან დაცული გარემოს/სივრცის უზრუნველყოფა;
- ❖ მოსწავლეთა ინტერესებზე, საჭიროებებზე მონაცემების მოგროვების და ანალიზის უზრუნველყოფა;
- ❖ სკოლის სხვა კლუბებთან/გარე ორგანიზაციებთან თანამშრომლობის უზრუნველყოფა.

მუხლი 4. პრინციპები

სასკოლო კლუბი "The Globe Society"-ს საქმიანობა ეფუძნება შემდეგ პრინციპებს:

- ❖ თანასწორობის დაცვა - რაც გულისხმობს სკოლის ყველა მოსწავლის მონაწილეობის, ჩართულობის, განვითარების თანაბარი შესაძლებლობებით უზრუნველყოფას.
- ❖ გუნდური მუშაობა - რაც გულისხმობს თანაშემოქმედებითობის განცდის გაძლიერებას და ხელშეწყობას.

მუხლი 4. სტრუქტურა

სასკოლო კლუბი "The Globe Society"-ს ხელმძღვანელობს კლუბის შექმნის ინიციატორი, რომელიც პასუხისმგებელია კლუბის ფუნქციონირებაზე. კლუბის ფუნქციონირებას მეთვალყურეობას უწევს მოსწავლეთა საკოორდინაციო საბჭო და საგნობრივი ჯგუფის მასწავლებელი.

კლუბის წევრები არიან მოსწავლეები საბაზო და საშუალო საფეხურიდან (მინიმუმ 5 წევრი).

კლუბს აქვს კლუბში გაწევრიანების მსურველთა განცხადების ფორმა, რომელშიც მსურველი მოსწავლე ხსნის თუ რატომ სურს კლუბში გაწევრიანება.

კლუბის ხელმძღვანელი კლუბის წევრებთან კონსულტაციის შემდეგ განიხილავს განაცხადს და 5 კალენდარული დღის განმავლობაში უკავშირდება მსურველს ინტერვიუს ან შემდგომი დეტალებისთვის.

კლუბის წევრობა მოიცავს პასუხისმგებლობას დადგენილი წესების დაცვასა და აქტიურ მონაწილეობაზე. კლუბში გაწევრიანება ნებაყოფლობითია. კლუბის წევრი ვალდებულია დაესწროს კლუბის მიერ ორგანიზებულ შეხვედრებსა და მონაწილეობა მიიღოს დაგეგმილ აქტივობებში.

კლუბის წევრობის შეწყვეტა შესაძლებელია პირადი განცხადების საფუძველზე ან კლუბის წესების დარღვევის შემთხვევაში, კერძოდ მოსწავლეს წევრობა შეუწყდება თუ: სისტემატიურად არ მონაწილეობს კლუბის მიერ ორგანიზებულ შეხვედრებში; არ იზიარებს და ითვალისწინებს კლუბის პრინციპებს, მიზნებსა და ამოცანებს.

მუხლი 5. აქტივობების ორგანიზება

სასკოლო კლუბი "The Globe Society"-ს საქმიანობა ციკლურია, რომელიც შემდეგი ეტაპებისაგან შედგება - აქტივობის დაგეგმვა, განხორციელება, მონიტორინგი და შეფასება.

სასკოლო კლუბი "The Globe Society" საინტერესო კონტენტების შეთავაზებით გეგმავს და ახორციელებს აქტივობებს რომლის განხორციელება მოსწავლეებს ხელს შეუწყობს ინგლისურ ენაზე - მოსმენის, სხვადასხვა ჟანრის და შინაარსის მრავალფეროვანი ლექსიკური ერთეულებით შექმნილი ტექსტის კითხვის, მეტყველების და წერის განვითარებაში. ლექსიკის და გრამატიკის ფუნქციურად და მართებულად გამოყენებაში.

სასკოლო კლუბი "The Globe Society" მოინიშნება სკოლის სამოქმედო გეგმასა თუ პროექტებში ამოცანების შესაბამისი იმ აქტივობის პასუხისმგებელ ერთეულად, რომელიც მიემართება ინგლისური ენის კონტენტს.

სასკოლო კლუბი "The Globe Society"-ს მიერ განხორციელებული აქტივობები არის პრაქტიკული, შემოქმედებითი ხასიათის, მრავალი სხვადასხვა ფორმის და რესურსის გამოყენებით, მაგალითად (შესაძლებელია სხვა ტიპის აქტივობების ორგანიზება):

- ❖ Speaking Sessions – თემატური საუბრები თავისუფალ ფორმატში.
- ❖ Debate Evenings – დისკუსიები და დებატები ინგლისურად.
- ❖ Book & Film Club – ინგლისურენოვანი წიგნების კითხვა და ფილმების ყურება.
- ❖ Cultural Days – ბრიტანული და ამერიკული დღესასწაულების აღნიშვნა.
- ❖ Role-Playing Games – რეალური სიტუაციების სიმულაცია ინგლისურად.
- ❖ Guest Talks – მოწვეული სპიკერების (ნაციონალური ან უცხოელი) პრეზენტაციები.
- ❖ Writing Workshops – ესეების, ისტორიებისა და სტატიების წერა.
- ❖ English Through Music – სიმღერების ტექსტების ანალიზი და შესრულება.
- ❖ Language Challenges – კვირეული სიტყვების მარათონი ან სინონიმების შეჯიბრი.
- ❖ Pen Pal Projects – მეგობრობა უცხოელ მოსწავლეებთან წერილების ან ვიდეოების მეშვეობით.
- ❖ Grammar & Vocabulary Games – ინტერაქტიული კონკურსები.
- ❖ Travel Simulations – აეროპორტში, სასტუმროში ან ტურისტულ ლოკაციაზე საუბრის პრაქტიკა.
- ❖ Podcast-ების, ვიდეოების, ბლოგების/ვლოგების და სხვა კონტენტის შექმნა.
- ❖ Newsroom Project – ინგლისურ ენაზე სკოლის ამბების გაშუქება.
- ❖ Public Speaking Competitions – გამოსვლები და პრეზენტაციების კონკურსები.
- ❖ სხვადასხვა პროდუქტების შექმნაზე მუშაობა (ნაწარმოები, სამაგიდო თამაშები, კომიქსები, ჟურნალი....).

კლუბის მიერ დაგეგმილი და განხორციელებული აქტივობები ითვალისწინებს დაწყებითი საფეხურის მოსწავლეების მონაწილეობას, ჩართულობას.

დაგეგმილი აქტივობების განხორციელების მონიტორინგის და ანალიზს/შეფასებას ახდენს კლუბის ხელმძღვანელი და საკოორდინაციო საბჭო. აქტივობების შედეგები აისახება მოსწავლეთა განვითარების პლატფორმის ანგარიშში. შედეგად გამოიკვეთება/მოინიშნება ახალ სასწავლო წელს განსახორციელებელი აქტივობების რაკურსი.

მუხლი 6. კლუბის ფინანსები

კლუბის საქმიანობა ფინანსდება სკოლის ბიუჯეტიდან ან/და მონაწილეთა/მსურველთა შემოწირულობებით. ყველა ფინანსური საკითხი გამჭვირვალეა, ნაწილდება კლუბის წევრების შეთანხმებისამებრ და კონტროლდება კლუბის ხელმძღვანელის მიერ.

მუხლი 7. გარდამავალი დებულება

სასკოლო კლუბი “The Globe Society”-ს დებულებას ამტკიცებს სკოლის დირექტორი. დებულებაში ცვლილების შეტანა ხდება სკოლის დირექტორის მიერ გამოცემული ბრძანებით.